


Autoridad investigando si Antoni Gario a viola mucha muher menor di edad



ORANJESTAD (AAN): Den fin di siman, autoridad hudicial di Jeugd- en Zeden Politie a aresta e homber Wilfred A.G.M.G. di 50 aña di edad, y cu ta mihor conoci na Aruba como Antonio Gario.

Oficialnan di JZP a haci esey, despues cu nan a haya declaracion di otro banda, cu ta insisti cu el a viola un mucha muher menor di edad. E portal 24ora a raporta cu Diasabra mainta e aresto a tuma lugar.

Na Aruba, ley ta muestra cu ta castigable pa un adulto tin contacto sexual cu un hoben cu tin 15 aña of menos. Un mucha di edad ey no por duna consentimiento pa actonan asina, pues e ta wordo considera como un violacion ('rape'). E castigo ta un tiki mas severo pa contacto cu mucha bao di 12 aña di edad.

Autoridad local, ni Ministerio Publico no a duna informacion ta ki edad e mucha muher tin den e caso aki. Y esey ta algo normal, como cu te ora cu e caso aki yega den Corte, tin chens di haya sa di e edad.

Hecho ta cu Ministerio Publico ta esun cu a duna OK pa aresta e persona, kende ta bon conoci den mundo di musica riba e isla.

Hecho ta cu e ta encarcela y e siman aki e lo wordo presenta dilanti Huez Comisario, kende lo revisa su folder pa mira si tin motibo pa e sigui wordo deteni of no.

Mientras tanto, su abogado mr. De Sousa a bisa e mesun portal, cu su cliente ta insisti cu e ta inocente y no a comete nada immoral, y cu e tin sigur cu e lo sali liber ora cu tur e asunto aki wordo aclarea.